

# Vischnaunca politica Andiaast

## Radunonza communal dils 11 da settember 2015

Presents: Suprastonza communal e 10 vischinas e vischins  
Perstgisas: Imelda Vincenz

### **1. Beinvegni ed elecziun dils dumbravuschs**

President communal Sievi Sgier fa in cordial beinvegni tier las fatschentas publicadas. Sco dumbravuschs vegn Rolf Sgier dalla cumissiuin da gestiun proponius ed elegius unanimamein. Encunter la gliesta da tractandas dat ei neginas objecziuns.

### **2. Prelecziun ed approvaziun dil protocol dalla radunonza communal dils 03-07-2015**

Il protocol dalla davosa radunonza communal dils 3 da fenadur 2015 vegn prelegius ed approbaus unanimamein.

### **3. Quen communal 2014**

#### **a) Presentaziun dil quen communal 2014**

*Il quen current 2014* siara suenter expensas da frs. 1'416'344.62 ed entradas da frs. 1'353'728.11 cun in surpli d'expensas da frs. 62'616.51. Amortisaziuns ordinarias e supplementaras sin la facultad administrativa e finanziaria ein vegnidas pridas avon ell'altezia da total frs. 200'488.90.

*Il quen d'investiziun 2014* siara suenter expensas da frs. 1'053'960.60 ed entradas da frs. 496'295.35 cun in surpli d'expensas da frs. 557'665.25.

#### **b) Rapport dalla cumissiuin da gestiun**

La cumissiuin da gestiun propona tenor rapport alla radunonza communal dad approbar il quen 2014 e la bilanza per ils 31-12-2014 sco era da dar scarica als officials da vischnaunca ed all'administraziun.

#### **c) Approvaziun dil quen e dar scarica als officials da vischnaunca**

Unanimamein vegn il quen communal 2014 approbaus. Medemamein vegn dau unanimamein scarica als officials da vischnaunca ed all'administraziun.

### **4. Damonda da credit per la sanaziun interna dalla tegia Alp Cuolm**

La tegia Alp Cuolm sesanfla buc en in bien stand cun quei ch'igl ei gia entgins onns buca vegniu manteniun ella. Ord quei motiv sto ella vegnir sanada egl intern. Il credit da frs. 21'000.00 cuntegn novas preits sco era novs plantschius. Igl ei era previu da sanar la pegna e la tualetta.

**Ils presents han approbau il credit da frs. 21'000.00 per la sanaziun interna dalla tegia Alp Cuolm unanimamein.**

## **5. Approbaziun dil niev reglament dalla corporaziun da pumpiers Vuorz/Andiast**

Il reglament dalla corporaziun da pumpiers Vuorz/Andiast ei vegnius surluvraus. Tenor proposta dall'assicuranza da baghetgs dil cantun Grischun (GVG) ha la cumissiun da pumpiers adattau la salarisaziun, ils castitgs sco era la taxa da cumpensaziun. El medem mument ein divers artechels vegni adattai al temps dad oz. Quei pertucca spezialmein ils artechels en connex cun la deliberaziun dil survetsch da pumpiers, perstgisas ed incumbensas dil cader. La vischnaunca da Vuorz ha gia approbau il niev reglament.

**Il niev reglament dalla corporaziun da pumpiers Vuorz/Andiast vegn approbaus unanimamein.**

## **6. Varia**

Sievi Sgier informescha davart las suandontas fatschentas actualas:

- Via da Curals-Sigliaus
- Via Crappa Grossa
- Slargar punt dalla Grava (megliuraziun da Pigniu)
- Via da Quartier Carnugl
- Stabiliment Alp Sura
- Volg
- Casa da scola
- Project da fusiun
- Finanziaziun pendicularas

Finiziun dalla radunonza communal allas 21:00.

Andiast, ils 11 da settember 2015

Il president:

L'actuara:

Sievi Sgier

Silvia Calzaferri